

中國方志叢書·華北地方·第三三四號

據清·康熙二十二年抄本影印

甘肅省

隆德縣志

(全)

成文出版社有限公司印行

5425/08



10098583

中華民國五十九年二月臺一版

隆德縣志

全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

隆德縣志序

蘇氏曰域中有三大權曰天曰
君曰史君之權與天並史之權
與天與君並邑乘之脩道在著
因革嚴勸懲其權卽不獲與史

月

官並而以備採風使者之諮諏

一

婉蘭臺釐輯之盛美顧不重歟

隆邑黑子于雍州斗大山城耳

2

從來析屬不一變遷靡恒考其

支分隴右脉衍終南而六盤八

泉川麓竒勝廼本邑名跡也昔
漢武登崆峒望祖厲蓋由諸此
倚蕭關之險憑長城之固士佩
刀而讀農荷戈而耕山高氣寒
土硯民癯時豐則易理歲歉則

難支全賴官斯土者調劑補抹
之適宜自可地因人變不至人
爲地困已以是知邑乘纂脩豈
徒錄紀襲舊牒將以興釐觀新
政况屬列雍郡十城之末賦役

戶齒不及大邑之半似簡實疲
似龐實悍固緣數罹兵荒尤需
亟圖保釐漢置太史令位列丞
相上郡縣歲上計于太史次及
丞相豈非海內輿圖秘府未備

必待身歷其地繪筴以獻哉若
僅高坐鎮之崇嚴忘周爰之勤
苦則謬甚矣得斯意而神明之
天下無不可治之土無不可封
之屋務俾稿者蘇健者服奸者

格賢者勵四履晏清咸登樂國
卽以此志傳之千祀永垂觀摩
可也余謬膺旬宜重寄日思褰
裳開帷以振衰起靡考獻徵文
爲已任深喜今之官斯土者留

戶

四

心於斯編尤望後之覽斯編者
加意乎斯土是余之志也夫是
同人之志也夫

昔

康熙二年歲次癸卯蒲月穀旦

欽差整飭固原等處兵備道陝西
按察司僉事益津劉瀾安東氏
書於五原尚友齋



志序

邕何爲而志以紀山川以劃封洫物采風
尚載肆載敝綦重哉甌脫黑子文獻茂資
有諸乎什不得一二厥乘畢如事道人非
蟬與豕焉半之隆故有志屬前此畢李二
令君釐定余不佞丙申秋承乏尹茲彈丸

邑方其攬轡入關見夫馮翊扶風之昨熙
熙穰穰以爲漢唐之遺風猶存也亡何度
涇原如安定河山不殊風景頓異於是裴
回車上久之曰嘻是非朝那之錯壤耶胡
然而蜚鴻載墊間徵厥志謂其朔當不爾
木則蠹矣芸則蠹矣帝虎漣滂罔弋獲矣

它日輶軒駢駢采風而前余其何以其乃
命矧茲歷稔周旋若趨若理若保障若鬻
絲穀若鵠形獮首累累然瞭若瞻若顧
弗克勒一通以代監門繪事惡用令爲已
用是不揆弁劣輒於簿書餘晷咨故老櫛
汰失麤易此藁付剞劂焉蓋自商於君畫

疆而守分領併隸不恆所治何以按籍如
指諸掌井邑沿革厥有源流維邦之鎮是
曰美高相彼汜泉好水湯湯秦風勁鷙豈
謂怯於公闢我苟制其命毋庸臯俗爲也
攬勝懷古昔賢之芳躅無恙邪崇墉屹屹
有覺其庭君子以敷政寧人於是乎在學

官弟子臯比橫經泐泐乎弦誦之遺哉六
盤天險足備它盜酒泉張掖星軺望於塗
犇命不暇置郵如綫墀墳祠宇之相屬肸
蠭之所式而憑也豚孟紛若匪直風雨然
已厥田惟上上今之壤異昔之壤也悉索
敝賦有常貢矣物力幾何柰何朘民之膏